



2006 йил 31 августдан  
чоп этила бошлаган

Ижтимоий-сиёсий газета

# ЖАМИЯТ

№ 21 (797)  
2022 йил  
9 июнь,  
Пайшанба



[www.bong.uz](http://www.bong.uz)



[@ jamiyatgzt@mail.ru](mailto:jamiyatgzt@mail.ru)



[t.me/bonguz1](https://t.me/bonguz1)



## ЁШ ЖУРНАЛИСТЛАР “УНИВЕРСИТЕТИ”

### ёхуд

“Матбуот уйи”да

англаганларим



## VIPole тармоғидаги “ЛОКАЦИЯ” ОПЕРАЦИЯСИ

### “ҲАҚ ЙЎЛИДАГИ ЁРУҒ КУНЛАРГА ЕТИБ КЕЛДИК”



— Болам, юртга қайт.

Президентимиз ёшлар учун кўп имкониятларни яратмоқда. Мен бунини ҳар кун телевизорда кўриб, эшитиб ўтирибман. Олдингидай ҳокимлар, банкирлар сени сарсон қилишмайди. Жоним болам, ортга қайт. Дадангининг кўзлари ҳам йўлда қолди. Фарзандларинг сени соғинган, бағримизда бўл.

Хасан онасининг гапини ерда қолдирмай 2019 йилнинг декабрь ойи охирида Ўзбекистонга қайтиб келди.

Ҳа, Янги Ўзбекистондаги янгиланишлар эпкини бу сафар Хасанга ўз бизнесини юритиш имконини берди.



# КАМБАҒАЛЛИКНИ қисқартириб бўлади...ми?



**Президентимиз Шавкат Мирзиёев “Камбағалликни камайтириш учун энг аввало, аҳолини касбга ўқитиш, молиявий саводхонлигини ошириш, одамларда тадбиркорлик ҳиссини уйғотиш, инфратузилмани яхшилаш, фарзандларни ўқитиш, сифатли даволаниш, манзилли нафақа тўлаш тизимини жорий қилиш керак” деб таъкидлаган эди.**

Олиб борилаётган ислохотларнинг давоми сифатида мамлакат раҳбарининг 2020 йил 26 мартдаги “Иқтисодиётни ривожлантириш ва камбағалликни қисқартиришга оид давлат сиёсатини тубдан янгилаш чора-тадбирлари тўғрисида” фармонида мамлакатда кичик ва ўрта бизнесни ривожлантиришнинг аниқ ёндашувлари белгилаб берилди.

Молиявий хизматлардан фойдаланишни имкониятларини ошириш контекстида ижтимоий мослашувга мурожаат қилиш табиий ва асослидир. Биринчидан, пул, молиявий муносабатлар, молиявий хизматларга бўлган эҳтиёж, моддий бойликлар — буларнинг барчаси жамиятдаги одамларнинг ўзаро муносабати маҳсулидир. Уларнинг мавжудлигининг ўзи жамият тараққиётининг маълум бир босқичидагина унга мос равишда манфаатларни тақсимлашни ташкил этиш шакли сифатида маънога эга бўлади.

Иккинчидан, молиявий тизим ижтимоий муҳит билан чамбарчас боғлиқ. Ижтимоий мослашиш муаммолари кўп жиҳатдан, шахснинг (оила, намунавий гуруҳлар) умуман молия сектори ва хусусан молиявий хизматлар бозори билан ўзаро муносабатларини тадқиқ қилиш хусусиятларини тушунтириб беради, йўналиш ва чегараларини белгилайди.

Учинчидан, шахснинг ҳар кан-

дай хизматларни истеъмол қилишга мослашиши жамият тараққиётининг босқичлари инсонлар эҳтиёжларининг ривожланиш объектив жараёнини ва уларнинг шаклланиши шароитларини белгилаб бериши билан боғлиқ ижтимоий табиатга эга. Инсон амал қилувчи эҳтиёжларининг ўсиб бориши объектив қонуни доирасида мумкин бўлган истеъмол услубларини яратади. Молиявий хизматлардан фойдаланишни кенгайтириш муаммосини ўрганишни жамият ва шахс эҳтиёжлари иерархиясида уларнинг эгаллаган ўрнини аниқлашдан бошланиши керак.

Тўртинчидан, молиявий хизматлар бозори истеъмолчилар манфаатларини амалга оширишга, молиявий барқарорликни қўллаб-қувватлашга ва иқтисодий ўсиш учун инвестицияларни кўпайтиришга йўналтирилган ижтимоий-иқтисодий тизимдир.

Камбағалликнинг қисқариши ва иқтисодий ўсиш миллий молия тизимларининг самарадорлигига, уларнинг одамлар эҳтиёжларини қондирадиган молиявий хизматлар кўрсатиш қобилиятига боғлиқдир. Бугунги кунга келиб, жаҳон амалиётида молиявий маҳсулотлар ва хизматлардан тўлиқ ва тенг фойдаланиш имконияти бутун аҳолининг арзон нархларда, қулай усулда ва фойдаланувчини ҳурмат қилган ҳолда кўрсатиладиган юқори сифатли

молиявий хизматлардан фойдаланиш имкониятига эга бўлган ҳолат сифатида талқин этилади.

Дунёда “Мижоз нимани сотиб олаётганини, маслаҳатчи эса нимани сотаётганини тушуниши керак” деган тамойилга асосланган мураккаб маҳсулотлардан кенг фойдаланиш шартларидан бири сифатида ижтимоий йўналтирилган маркетинг эканлиги ҳақидаги нуқтаи назар тобора кенг тарқалмоқда.

Жаҳон амалиётида маркетингнинг янги тури — бу молиявий хизматлар кўрсатиш учун махсус ишлаб чиқилган ва мураккаб хизматлар сотувчиси ва харидор ўртасида очиқлик тамойили асосидаги узок муддатли муносабатларни ўрнатишга қаратилган ўзаро муносабатлар маркетингидир. Ҳалол маркетинг ва ижтимоий тармоқларга истеъмолчилар билан муносабатлар ахлоқий кодексини киритиш, охир-оқибатда, молиявий хизматлардан фойдаланиш имкониятларини кенгайтириш учун энг яхши мотивация бўлиши мумкин.

Молиявий маҳсулот ва хизматлардан кенг ва тенг фойдаланиш имконияти ривожланишнинг энг муҳим шarti, иқтисодиётнинг ўсиши ва барқарорлиги омили сифатида эътироф этиш зарур. Молиявий хизматлардан фойдаланиш имкониятларини кенгайтириш муаммосини ҳал қилишда халқаро саъй-ҳаракатларни бирлаштириш фақат инсонни ўраб турган молиявий муҳитнинг инфратузилмавий жиҳатлари билан чекланиб қолмаслик керак. Улар қанчалик аҳамиятли бўлмасин, молиявий хизматлар ҳар бир фуқаро учун нафақат унинг ҳуқуқи, балки

жуда муҳим эҳтиёжга айланиши зарур.

Жаҳон тажрибаси шуни кўрсатадики, аҳолининг уларнинг истеъмолига мослашишга кўмаклашиш нуқтаи назаридан молиявий хизматлардан фойдаланиш имкониятларини кенгайтириш жараёнини молиялаштириш икки йўналишда амалга оширилиши керак:

— аҳолининг шахсий ривожланиши, молиявий таълим ва сабоқ олишини рағбатлантириш;

— молиявий муҳитни такомиллаштириш, унинг молиявий хулқ-атворини рационаллаштиришга таъсирини кучайтириш.

Биринчи йўналиш молиявий саводхонликни ошириш миллий стратегиясини ишлаб чиқиш ва амалга оширишда қуйидаги вазифалар билан шуғулланувчи махсус давлат органини ташкил этиш кўзда тутади.

Хулоса қилиб айтганда, камбағалликни қисқартириш мақсадида молиявий маҳсулотлар ва хизматлардан кенг ва тенг фойдаланиш таъминлаш муаммосини ҳал қилиш ва аҳолини молия бозорига мослаштиришни тизимли ва комплекс ёндашув талаб қилади. Бу жараёнга барча манфаатдор томонлар: фуқаролик жамияти, хусусий сектор ва давлат бошқаруви органлари вакиллари жалб этилишини фаоллаштириш лозим.

Мазкур ёндашувда аҳолининг молиявий хизматларни онгли равишда истеъмол қилиши таъминланади.

**Наргиза ЖИЯНОВА,**  
**Тошкент молия институти**  
**профессори,**  
**Ҳотамжон ҚОБУЛОВ,**  
**доцент**

## СИНОВ МУДДАТИНИ ЎТАШ ТАРТИБИ

**Ишга қабул қилишда дастлабки синов — бу иш берувчи ишга ёлланган ходимнинг касбий ва ишбилармонлик фазилатларини текширадиган даврдир. Синов муддати иш берувчи ва ходимлар ўртасидаги муносабатлардаги энг қийин босқичдир.**

Меҳнат шартномасини тузишда тарафлар ходимнинг ўзига юкланган ишга мувофиқлигини текшириш учун шартли синовдан ўтказилиши мумкин. Шуни таъкидлаш керакки, синовни ўрнатиш иш берувчининг мажбурияти эмас, балки ҳуқуқдир, шунинг учун у томонларнинг келишуви билан белгиланади.

Агар ходим синовдан бош тортса, меҳнат шартномаси тузилган деб ҳисобланмайди. Бундай шарт ишга қабул қилиш тўғрисидаги буйруқда

кўрсатилиши керак. Синов муддати давомида ходим меҳнат қонунчилигига бўйсунди. Бу шуни англатадики, бир томондан, ходим меҳнат шартномаси ва қонун ҳужжатлари билан ўзига юкланган барча меҳнат мажбуриятларини бажариши шарт, иккинчи томондан, синов муддатидаги ходимнинг меҳнат ҳуқуқларига ҳеч қандай чекловлар қўймайди.

Дастлабки синов даврида тарафлар бирига эътироз билдирмасалар ва меҳнат

шартномаси бекор қилинишини талаб қилмасалар, муддат тамом бўлган куннинг эртасидан синов муваффақиятли яқунланган деб топилади ва ходимни синов натижалари қониқарсиз эканлигини вақт қилиб ишдан бўшатиш мумкин эмас.

Шундай қилиб, синов муддати иш берувчининг қонун билан мустаҳкамланган ҳуқуқларидан бирини англатади ва ходимнинг эгаллаб турган лавозимига мувофиқлигини аниқлашга хизмат қилади.

**Умид ШАВКАТОВ,**  
**Бектемир туман юридик хизмат кўрсатиш**  
**маркази бошлиғи**



# ТЎҚАЙДА ОВ ҚИЛИШ КУН КЎРИШ БЎЛМАЙДИ

**Дунё кун сайин эмас, соат сайин тараққийлашиб бормоқда. Бежизга бизнинг ғала-ғовур асримиз техника асри дейилмаган. Авваллари овчилик, қурол ишлатиш, мохир жангчи бўлиш билан яхши кун кўриш мумкин бўлса, бугунги кунда бунинг иложи йўқ. Ҳамма нарса замонавийлашиб борапти. Инсон ҳаёти, тафаккури, онги, турмуш тарзи ҳамма-ҳаммаси. Энди тўқайда ов қилиб кун кўриб бўлмайди. У дамлар энди эртак. Эртакдан реал ҳаётга ўтилганига анча бўлди.**

Бугун бутун дунё Дастурий маҳсулотлар ва ахборот технологиялари технологик парки – IT-Парк асосида ишлашга ўтди. Бундан 3-4 йил муқаддам Ўзбекистонда IT-Парк учун юқори малакали мутахассислар тайёрлаш мақсадида хорижий ҳамкорлар билан биргаликда “Бир миллион дастурчи” лойиҳаси амалга оширила бошланди.

Аслида IT-Парк Президентимизнинг 2018 йилда Ҳиндистонга давлат ташрифи чоғида эришилган келишув асосида Ўзбекистон Республикаси Ахборот технологиялари ва коммуникацияларини ривожлантириш вазирлиги ҳамда Ҳиндистон Республикасининг Электроника ва ахборот технологиялари вазирлиги қошидаги Дастурий технологиялар парклари жамияти билан ҳамкорликда ташкил этилган. Бу ҳақда 2019 йил 10 январда Вазирлар Маҳкамасининг қарори қабул қилинган эди. Асосий вазифа ва йўналишлардан бири — ахборот технологиялари соҳасидаги бошланғич ва кичик корхоналарга стартап лойиҳаларни амалга оширишда венчур молиялаштириш асосида кўмаклашишдир. Ҳозирда бу ерда ахборот, молия технологиялари, логистика, электрон тижорат, электрон таълим, биотехнология ва бошқа йўналишлардаги лойиҳалар муваффақиятли амалга оширилмоқда. Масалан, АҚШдаги транспорт корхоналарига логистика ҳамда кафе ва питсерияларга аутсорсинг бўйича технологик хизмат кўрсатиш йўлга қўйилган. Технопаркда тўртта йўналиш — резидентлар билан ишлаш, IT-Академия, венчур молиялаштириш ҳамда инкубация ва акселерация дастурларини ривожлантириш лойиҳалари бўйича иш олиб борилмоқда.

Дастурий маҳсулотлар ва ахборот технологиялари технологик парки

худудини кенгайтириш ва янги инфратузилма объектлари қурилиши бўйича концепция ишлаб чиқилди. Қорақалпоғистон Республикаси ва вилоятлар марказларида IT-Парк худудий филиаллари ташкил этилди.

Ўзбекистон аҳолисининг 60 фоизи ёшлар бўлиб, уларни замонавий ахборот технологияларига кенг жалб қилиш, уларга дастурий маҳсулот яратиш ва аутсорсинг хизматларини кўрсатишга кўмаклашиш орқали иш билан таъминлаш муҳим вазифалардан ҳисобланади.

Ахборот технологиялари ва коммуникацияларини ривожлантириш вазирлиги билан Бирлашган Араб амирликларининг “Дубай келажак жамғармаси” ўртасидаги келишувга асосан, мамлакатимизда “Бир миллион ўзбек дастурчилари” лойиҳаси ишга тушди. Бу лойиҳа АҚШнинг “Yudasiti” онлайн ўқув платформасида, 4 та дастурлаш йўналишида олиб борилди. Булар андроид, маълумотлар таҳлили, фулстек ва фронтенддир. Бу курсларда ёшидан қатъи назар, барча иштирок этиши мумкин.

Яқиндан бошлаб ана шундай замонавий касблар ҳақида эшита бошладик. Дастурчилар кўп пул топар эмиш деган миш-мишлар ҳам бизга бегона эмас. Тез-тез эшитаверганимиз учунми, ҳавасимиз ҳам йўқ эмас. Дастурчи ҳозирги ўртача ойликка ишлайдиган ўнта мутахассиснинг маошини бир ойда топса ёмонми? Лойиҳа ўз номи билан мақсадни айтиб турибди. Фақатгина биз ҳам бунга жиддий ёндашиб, не-

гизини англашимиз керак. Бунинг таг замирида фақатгина бахтли келажак ва миллат тараққиёти турибди. Қайсики ривожланган мамлакатга назар ташламанг, барчасининг ютуғи билимли ва салоҳиятли авлодни ва шунга мос кадриятларни шакллантирган. Улар бу кунга фақатгина

билан боғлиқ. Учинчи Ренессансни яратувчи миллат — ҳар бир соҳада бир кадам олдинда бўлмоғи лозим. Миллатнинг интеллектуал салоҳияти жуда юқори бўлмоғи шарт. Бу миллат ақл экспорт қила олсагина, ўзгалар бунинг тажрибасини ўргансагина, ана шундан кейингина фахрланмоқ мумкин.

Келинг энди бир ўйлаб кўрайлик, “Бир миллион дастурчи” лойиҳаси бизга нима беради?

Биринчидан, бу — шунча иш ўрни, ишсизликнинг камайиши, аҳоли турмуш тарзининг яхшиланиши дегани. Бу эзгу ғоя замирида мисли кўрилмаган тараққиёт турибди. Нега деганда, дастурчи ўз замонасининг энг илғор тadbиркори, ижодкор инсон. Дастурчилик — ўз-ўзидан иш ўринларининг кўпайи-



ақл ва интеллектуал салоҳият билангина етиб келди. Биз ҳам шу жараёнда турибмиз. Энди қуруқ олди-қочди гаплардан кўра амалий ишга ўтиш лозим.

Бугун инсон яхши яшамоғи учун албатта бир касб-хунарни бошини тутиши керак. Бошқа иложи йўқ. Ҳаёт шафқатсиз. Болалигимизда отамиз нонини еймиз, аммо бир умр бола бўлиб яшаб бўлмайди. Фаровон ҳаётга қандай эришамиз? Аввало соф нияту, ҳалол меҳнат ила. Билиму, тафаккурила. Инсоннинг жамият учун қилган энг катта фойдаси ўзини эплашидир. Ўзини қутқарган инсон, албатта жамиятни қутқарган, ўзига ёрдам берган — жамиятга ёрдам берган ҳисобланади.

Замон ривожланиш пайти, замонага мослашиш ҳар бир инсон боласидан талаб этиладиган заруриятдир. Тарихдан маълумки, тараққиётдан ортда қолган халқлар мисли кўрилмаган азобларни бошдан кечирган. Голиблар билимлилардир.

Сўнгги пайтларда Янги Ўзбекистонда учинчи Ренессанс пойдеворига тамал тошини қўйиш ҳақида гап-сўзлар кўп бўляпти. Бу муштарак орзунинг амалга ошиши шу миллат фуқароларининг салоҳияти

иш дегани. Ишлаб чиқариш, даромад дегани. Бу валюта оқими ва инвестиция. Нима деб жар солсак-солайлигу, инсоният-у давлатларнинг ривожига таг замирида моддият туради. Аҳоли турмуш фаровонлигининг яхшиланиши — юрт тараққиёти дегани. Худудларга ўз-ўзидан ривожланиш кириб боради. Қарабсизки, ишсизлик томирига болта урилади. Ҳамма ишли бўлади. Керак бўлса, чет эллик ёлланма ишчилар келиб, бизнинг юмушларни бажара бошлайди. Ҳар бир оила бошлиғи оиласини моддий жиҳатдан таъминлайди. Бу ўз-ўзидан кайфиятга таъсир қилади. Муаммолар камаяди. Пули бор ота фарзанди келажига инвестиция қилади. Қарабсизки, янги-янги ғоялар туғилади, тафаккур кенгайди. Ўз-ўзидан учинчи Ренессанс пойдеворига тамал тоши қўйилади. Ўзбекистонда янги-янги хушxabарлар кўпаяди. Қайсидир ўзбек олими ихтиросига дунё ҳамжамияти таҳсин айтади. Яна қайсимиздир энг экспортбop маҳсулот яратамиз. Кўз кўриб, кулоқ эшитмаган янгиларга гувоҳ бўлаверамиз. Асосийси, бу борада дастлабки кадам қўйилди.

Зикрилла МАМАТОВ

# “ҲАҚ ЙЎЛИДАГИ ЁРУҒ КУНЛАРГА ЕТИБ КЕЛДИК”

**Одамлар ҳаётидаги яхши ўзгаришларни олис келажакда эмас, айнан бугун кўриши керак. Юртимизда халқимизнинг эҳтиёжларини қондириш, одамларни рози қилиш йўлидаги ишлар ана шундай эзгу ғоялар асосида олиб борилмоқда. Ёш тадбиркор Хасан Аҳмедов ҳам жамият тараққиётига муносиб ҳисса қўшаётган тадбиркорлардан.**

Сирдарёлик тадбиркор, “NARKIS OSIVO” масъулияти чекланган жамият раҳбари Хасан Аҳмедов фаолияти ва иш жараёнлари билан танишар эканмиз, чиндан ҳам тадбиркорлик одамларнинг турмуш тарзини безайдиган, оилага тўқинлик бағишлайдиган фазилат эканлигига яна бир бор амин бўлдик.

Халқ тилида айтганда, тадбиркорлик, нафақат пул топиш ва бойиш манбаи, балки, оиланинг осойишталиги, халқимизнинг фаровонлиги йўлида муҳим воситадир.

Давлатимиз раҳбарининг “Тадбиркор бой бўлса, халқ ҳам, давлат ҳам бой бўлади”, – деган сўзи бунинг яққол исботидир. Хасан Аҳмедов ҳам эл-юрт ҳаётининг тўқин бўлишида, жамият тараққиётига муносиб ҳисса қўшиб келаятган тадбиркорлардан.

## Ўғлимнинг 12 йиллик умри – Россияда қора меҳнатда ўтган

— Сирдарё вилоятида бўлган кунимиз тадбиркор Х.Аҳмедовнинг онаси Зулфия опанинг касалхонада бетоб ётганлигини эшитиб, йўлимизни Янгиер шаҳарчасидаги шифохона томон бурдик. Шифокорлардан руҳсат сўраб, онахон ётган палатага оҳиста кириб борар эканмиз, ранг-рўйлари сўлгин бўлса-да, нигоҳларида меҳр шуъласи балқиб турган аёлга рўпара бўлдик. Ҳол-аҳвол сўраб бўлингач, уларга мақсадимизни очиқ айтдим.

— Зулфия опа, ўғлингиз, тадбиркорлик фаолиятини бошлаганига эндигина 3 йил бўлибди, лекин режа ва мақсадлари ўн йилга татийдиган даражада илғор ва юксак. Сиз бу борада қандай фикрда-сиз? Ахир, оначалик ҳеч ким фарзанди ҳақида сўзлаб бера олмайдида...

Зулфия опа, оғир тин олди. Кейин менга юзландида, синик ва хаста овозда сўзлай бошлади:

— Менинг ўғлим қаҳрамон, гарчи кўксига ҳеч қандай нишони бўлмаса ҳам. Болагинамнинг болалиги оғир ва машаққатли меҳнатда ўтган. 4 синфда ўқиб юрган кезлари, эрим, автохалокатга учраб юра олмай қолган. Оилада фақат улар ишларди. Учта ёш болам билан рўзгорни қандай тебратишни билмай довдираб қолганман. Ана ўша пайтда тўнғичим, Хасан 10 ёшида эди. Кўшни болалар йўл чангитиб, копток тепиб, урхо-сур қилиб ўйнаб юрган кезларида, менинг ўғлим оғир сумкаларни судраб бозорга қатнаган. Муштайгина жонига мен билан тенг меҳнат қилган. Бир сўм пул топиб келиш илинжида ҳали у қўшни, ҳали бу қўшни ёки яна қай бир жойда молга қараган, ўт ўрган,

лой қилган, далага кетиб ишлаган, хуллас ёш бошига рўзгор деган ғорнинг кам-кўстини тўлдиришга, дадасининг дори-дармонию, синглиси ва укасининг кундалик харажатига маблағ топиб бериш учун тиним билмаган. Кун билан ишлаб, тун билан китоб ўқиб ухлаб қоларди. Билими яхшилиги учун 7 синфда Ихтисослаштирилган гимназияга ўқишга қабул қилинди.

— Онажон катта бўлсам, ҳақиқатни очиб берадиган ҳуқуқшунос бўламан, – дерди. Лекин минг афсуски, ўқишни давом эттира олмади. Автохалокатга учраган эримга ҳеч ким ёрдам қўлини чўзмади. Ҳатто аварияни содир қилган ҳайдовчи ҳам юқори ташкилотда ишлайдиган таниш-билишларини ишга солиб, сувдан қуруқ чиқиб кетди. Жуда ҳам ночор аҳволда қолгандик. Бир томонда бемор хўжайиним, иккинчи томонда қайғу ва ғамдан тўкилиб бораётган ўзим. Токи мактабни тугатгунча оиламизни кам-кўстини ўзи тўлдиришга ҳаракат қилди. Мактабни тамомлаб, қандай иш бўлса бажариб кетаверди. Ўзига муносиб ишни эса топа олмади. 2007 йилда ишлаш учун Россияга кетди. Ўғлимнинг 12 йиллик умри четда ўтди. Бизнинг эса ўша кунлардан бошлаб хотиржамлигимиз ва ҳаловатимиз йўқолди. Туну кун, узоқ ўлкада яшаб, ишлаётган фарзандимизни ўйлаймиз. Аллоҳга шукр уч йилдан бери ўғлим ёнимизда. Соғлигимиз бўлмасада энди оиламизда ҳузур ва оромимиз бор. Бу саодатли кунларнинг фароғати учун Президентимиз Шавкат Мирзиёевдан миннатдорман. Чунки ўғлим тадбиркорлигини йўлга қўйди. Илгарилари ҳам банкдан кредитга озгина пул олиб, ўз бизнесини йўлга қўйишни ният қилганди, лекин қанча ҳаракат қилмасин, тўрт томонга югурмасин ўғлимни ҳеч ким қўлламади, Аллоҳга шукр, мана ҳақ йўлидаги ёруғ кунларга ҳам етиб келдик.

## Нурга туташ ёруғ йўллар сари

Янгиерлик Хасан Аҳмедов 2020 йилнинг декабрь ойида оилавий тадбиркорлигини йўлга қўйиб, “NARKIS OSIVO” масъулияти чекланган жамиятни ташкил қилди. — Оилавий корхонамизда 10 хил турдан зиёд масхулотларни ишлаб чиқаряпмиз ва бу салфеткалар, ички бозордаги мижозларга манзур бўлмоқда, – дейди ёш тадбиркор биз билан суҳбатда. — Корхонамиздаги ўндан зиёд ишчиларнинг астойдил меҳнати ва хориждан келтирилган замонавий технологиялар ёрдамида қисқа вақтда самарали натижаларни қўлга киритишга муваффақ бўлдик. Йиллик

даромадимиз эвазига 2021 йилда хориждан яна битта замонавий технология олиб келиб ўрнатдим. Бунда янги иш ўринларини яратиш билан бирга махсулотларимизни хориж давлатларига экспорт қилиш имконига эга ҳам эга бўлдик. Яқин кунларда овқатланиш шохобчаси очишни ҳам режалаштириб қўйдим. Хуллас, эзгу ниятларимиз кўп.

Илгарилари ёшлар келажакига давлат сиёсати даражасида эътибор қаратилмагани учун ҳам Хасан каби жуда кўплаб ёшлар хориж давлатларига иш излаб кетгани айни ҳақиқатдир.

— Сўнгги йиллардагина давлатимиз раҳбари томонидан ёшлар учун қулайликлар, шарт-шароитлар яратилиши билан бирга уларни ўқитиш ҳамда хунарли бўлиши учун ҳам катта ғамхўрликлар қилинмоқда. Аммо, илгарилари ундай бўлмаган, – дейди Х. Аҳмедов, мен билан суҳбатни давом эттириб. — Гарчи олий ўқув юртига кириб ўқишга имкониятим бўлмасада шу ерда яқинларимни ёнида, банкдан кредит олиб тадбиркорлик қилмоқчи эдим. Яширишнинг ҳожаги йўқ, кредит олиш учун “югур-югур” лардан хужжат сўрашлардан ниҳоятда чарчаб, бешиб кетган кунларим бўлган. 2 миллион сўм маблағ олиш учун камида 4 ой югурганаман. Ҳали у хужжат, ҳали бу маълумотномни тўлдириб келиш, ҳаммаси тайёр бўлганида эса қандайдир ваз-қарсонлар билан керакли маблағни ололмаганман...

2007 йилда Россия давлатига иш излаб кетган Хасан совуқ ўлканинг қорли-кировли кунларида иш топа олмай бир неча ойлар сарсон-саргардон бўлгани, ишлаган вақтида эса ноҳақликка учраб маошини ололмаган пайтлари, совуқдан жунжиқиб, бетоб бўлиб ётиб қолган вақтлари ҳам кўп бўлган. Ўтган йиллар давомида унинг ҳалоллигини, меҳнатдан бўйин товламаслигини билган русларнинг ҳам унга меҳри тушиб қолган ҳам уни ҳурмат қилади. Хасан, ёт элда, қайси корхона ёки ташкилотда қандай вазифада ишласин доимо сидқидилдан ишлади.

## Хўш, энди нима қилиш керак?

Онаизорининг тинмай чорлашлари, дадасининг “болам, уйга қайт, келиб ҳаётингни қур”, – деган сўзларига бефарқ қараб тура олмади. 2010 йилда Янгиер шаҳрига, она юртига қайтиб келди. Ота-она орзусини рўёбга чиқариш учун, машаққат билан ишлаб келган пуллари сарфлаб тўй-томоша қилиб ўйланди. Тўй ҳам ўтди.

Янгиерда бўлмаса, Сирдарёда ёки пойтахтдан бўлсада бирон иш топарман деган ҳаёлда бўлган йигитга ўзи туғилиб ўсган диёрида иш топилмади. У ер-бу ерга югуриб, оз бўлсада пул топишга ҳаракат қилди, шу зайлда уч йил ўтиб кетди. Қанча уринмасин, топиб келаятган маблағи рўзгорга урвоқ ҳам бўлмасди. Бу орада бирин-кетин ўғил ва кизи туғилди. Бош қотиб қолган Хасан узоқ ўйлади, сўнгра ота-онасига юзланиб, бу ерда ҳеч қандай иш қила олмаятиганини, ишлаш учун яна ўзга

юртга кетиши керак эканлигини айтиб руҳсат сўради.

Ота-онаси ҳаммасини кўриб, сезиб, дардларини ичига ютиб ўтиришганди. Шундан кейин, у ота-она дуосини олиб, ишлаш ва пул топиш учун яна Россияга кетди. Рус ўлкасида ишлаб юрар экан, соғинчлар, ўқинчлар бу сафар Хасанни кўнглини анча оғритди. Кексайиб қолган ота-онасини, унга суяниб қолган жигарларини, оиласи ва фарзандларини жуда ҳам кўп ўйлади.

Диллар хазин, кўнгилда оғриқ, ўқинчлар билан тонглари кунларга улади. Йиллар зувиллаб ўтиб борарди. Шундай кунларнинг бирида онаси кўнгириқ қилди.

## Болам юртга қайт

— Болам юртга қайт. Президентимиз ёшлар учун кўп имкониятларни яратиб бермоқда. Мен буни ҳар кун телевизорда кўриб, эшитиб ўтирибман. Олдингидай ҳокимлар, банкирлар сени сарсон қилишмайди. Жоним болам, ортга қайт. Дадангнинг кўзлари ҳам йўлда қолди. Фарзандларинг сени соғинган, бағримизда бўл.

Хасан онасини гапини ерда қолдирмай 2019 йилнинг декабрь ойи охирида Ўзбекистонга қайтиб келди.

Ҳа, Янги Ўзбекистондаги янгилашлар эпкини бу сафар Хасанга ўз бизнесини юритиш имконини берди. Январ ойи бошида Президентининг 2018 йил 7 июндаги “Ҳар бир оила – тадбиркор” дастурини амалга ошириш тўғрисида” ги ва 2019 йил 7 мартдаги “Худудларда аҳолини тадбиркорликка кенг жалб қилиш ва оилавий тадбиркорликни ривожлантиришга доир қўшимча чора-тадбирлар тўғрисида” ги қарорлари доирасида Хасан Аҳмедов 2020 йилнинг январь ойида хусусий корхонасини очиб ўз тадбиркорлик фаолиятини йўлга қўйди.

## Тадбиркор эртага ҳаммани боқади

Президентимизнинг “Тадбиркор эртага ҳаммангни боқади, деб неча маротаба айтганман, тадбиркорни йўлга ғов бўлиш, оёғига кишан бўладиган қонунларни чиқариш керак эмас” деган сўзлари ва “Тадбиркор фаолиятига тўсиқ бўлиш давлат сиёсатига хиёнат, деб қабул қилинади”, деган огоҳлантириши, бўлажак тадбиркорнинг қалбига ёруғлик олиб кириб, ўзига бўлган ишончини янада мустаҳкамлади. Катта тадбиркор эса атрофда кечаётган воқеа-ҳодисаларга ҳушёр кўз билан қарайди. Ҳаётда қоқилмайди ва бошқаларни ҳам тўғри йўлга бошлай олади.

Энг асосийси, одамларни ташаббусга ва янги марраларга чорлайди. Элни обод, халқни фаровон қиладиган, давлатимиз иқтисодий кудратини юксалтирадиган Хасан Аҳмедов каби тадбиркорларимиз бор экан, Ўзбекистон тараққиёти янада юксалиб, ривожланиб бораверади. Мусаффо осмонимизда оппоқ қабуларлар тинчлик куйини тараннум этиб, бобоқуёш ўзининг зарҳал нурларини замин узра беминнат сочаверади.

Гуличехра ДУРДИЕВА,  
журналист



Бугунги аксарият ёшларнинг ақлини ўмариб энгилтак, жиззак қилиб қўяётган бир омил бор. Ан-глаганингиздек, бу қўл телефони аталмиш кичкинагина қурилмага уланган интернет ва ижтимоий тар-моқлар.

Интернет оламида ижтимоий тар-моқларнинг турлари кўп, Telegram, Instagram, Facebook, WhatsApp, VIPole, Viber ва ҳоказо. Хўш, VIPole (ВИПоле) қандай тармоқ?

VIPole - бу ижтимоий тармоқ тури бўлиб, унда WhatsApp ва Viber тармоқларидагидек ёзишмалар, кўнғироқлар ва файллар юбориш ва қабул қилиш мумкин. Мазкур тармоқдан фойдаланувчи маълумотларининг шифрлаш калитлари махсус махфий ибора билан қўшим-ча равишда шифрланади. Фойдаланувчи махфий иборани ўзи танлайди, у фақат унга маълум, ҳеч қачон серверга узатилмайди ва ҳеч қерда сақланмайди. Буни қаранг-ки, ахборот асрида маълумотлар қанчалик ҳимояланмасин, инсон кинғирлик мақсадида фойдаландими, эрта-ми-кечми фош бўлмай қолмайди. Қандай қилиб дейсизми?

Ижтимоий тармоқлар ҳадди-ни олган 21 ёшли Исроил Сойипов (исм шарифлар шартли) хориждаги нуфузли Университет талабаси. Кунларнинг бирида у телеграм ижтимоий тармоғи орқали кизик бир пул ишлаш таклифини кўриб қолади. “Diamond” лақабли шахс унга курьерлик вазифасини таклиф қилганди. Иш ҳаққи катта, унга дастлаб телеграмм мессенжери орқали тушунтирилган тартибга кўра “VIPole” тармоғини телефонга юклаб олиш ва “локация”(гео-манзил) ташласа бўлди эди.

Аммо бу тармоқни “юклаш” билан “локация юбориш” оралиғида яна бир кичик операция бўлиб, унга кўра дастлаб бу “Diamond” дан қабул қилган локация (геоманзил)га бориб наркотик моддаларни ерга кўмилган жойдан олади ва одамлардан холи, чекка ҳудудларга бўла-қларга бўлиб “кўмиб келиш”и керак

эди. Ундан кейинги ишларни эса наркотикнинг “эгалари” ўша “локация” орқали топиб, ўзлари бажара-веришар эди. И.Сойиповга аталган пуллар эса улар тармоқда шарт-лашган усулда махсус карта орқали унинг ҳисобига тушаверарди.

Гарчи ноқонуний, ўта хатарли бўлса-да, унчалик қийин туюлма-ган бу ишга қўл ураркан, утамомила талабанинг ақли ҳушини олди. Чунки, бир-икки шуғулланиб мўмайги-на даромад келтирарди-да.

Табиий-ки, 21 ёш ҳам ақлан ол-ганда бироз ёшликка мойилроқ давр. Исроил тармоқлардан ту-ну-кун фойдаланиб вақтлари маъ-нисиз, мақсадсиз совурилайётганини тобора англамай борарди.

Шундай бўлмаганда навқирон бу йигит аслида ўз умрини увол қила-ётганини, ота-онаси, яқинлари бер-ган ҳалол лукмага хиёнат қилаёт-ганини ҳис этиши жоиз эди. Унинг ташландик жойларда кўп ўралашиб юргани, шубҳали ҳатти-ҳаракатла-ри атрофдаги дўстларининг эъти-борини тортиб, бир-икки сўраган-лар ҳам бўлди. Аммо йигит ақлини йиғолмади.

Аксинча, унинг кетини қувиб кўпроқ пул топишни ўйларди. У навбатдаги 32 дона ўрамлар жойи-ни тармоқ орқали қабул қиларкан, ундан 6 донасини Миробод тумани Эски отчопар кўчаласидаги йўл че-тига кўмди. Уларнинг локациясини ташлаб бераркан, салгина нарироқ чекка бир жойга 7 донасини жойла-ди. Унинг ҳам манзилни юбордию ёнини бироз энгиллатиб келиш мақ-садида уйига йўл олди.

Шоша-пиша кўчага отланар-кан, олти дона ўрамдаги “пирро-линовалерофенон” моддасини уйдаги ўрамларга кўшиб яна 13 донаси устидаги топширикни адо этиш учун чопди.

Зиммасига олган ноқонуний мажбуриятига кўра, кун кеч бўлмай жамоатдан узок, одамлардан холи жойларга етиши, уларни топиш қийин бўлмайдиган қилиб кўмиб келиши керак эди.

Худди шу мақсадда йўл четидаги деворлари тагидаги гуллар орасида ивирсиб турган бир маҳалда, йўлак-да рўпарасидан чиққан ички ишлар ходимларини кўриб эсанкирай бо-шлайди. Табиатан, зийрак бўлган ходимлар буни фахмлагач, дастлаб Исроил билан саломлашишди ва де-вор тагидаги ташландик жойда тен-тираб юргани сабабини сўрашди.

— Талабаман, телефонимни ту-шириб қолдирибман...

Шу пайт чўнтагидан телефони жиринглаб ўзи танлаган мусиқа садо тарата бошлаганида, ўзининг фош бўлганини тушунган йигит са-росимага тушади...

Бундай ғайритабиий ҳолатдан ажа-бланган ходимлар ишга холислар жалб қилиш лозимлигини англаб, кўлидаги бозорлигини у кўлдан бу кўлига олиб шошиб кетаётган икки фуқарога юзланиб холис бўлишлар-ини сўрашади ва уларнинг рози-лигини олишгач, И.Юнусовнинг ён-вери, чўнтақларини тинтув қи-либ, унинг ножўя ҳатти-ҳаракатла-ри бежиз эмаслигига амин бўлиш-ди. Чунки, холислар иштирокида кўздан кечирилган йигитнинг шими орқа чўнтагидан чиққан 13 дона лейкопластирга ўралган шубҳали нарсалар барчанинг гумонини оши-риб ажаблантиргани рост.

Олиб борилган тезкор ҳаракат, суриштирув ишлари давомида И. Юнусов ҳалигина жойлаб, локаци-ясини юбориб бўлган 13 дона ўрам-дан ташқари, уйдаги жами 41 дона шубҳали ўрамдаги кўк рангли мод-дани ихтиёрий топширди.

Шу зайлда фош этилган жиноят тергов органига оширилади. Тергов давомида тайинланган суд-кимёвий экспертизасининг хулосасига кўра, И.Юнусовдан олинган 41 дона полимер пакет ўрамидаги, кўк ран-гли кристалл ва кукунсимон кўри-нишдаги моддаларнинг таркибида а-пирролиновалерофенон (α-PVP) моддаси мавжудлиги, ушбу мод-даларнинг умумий оғирлиги 79,34 граммни, а-пирролиновалерофенон (α-PVP) моддасининг соф оғирлиги 32,4818 граммни ташкил қилиши

аниқланган.

Жиноят ишидаги далиллар ва экспертиза хулосасига кўра, И.Юнусовдан барча олинган пакет ўрамлардаги моддалар қанча ин-сонлар умрига зомин бўлгучи, ои-лалар парокандалиги, худбинлигу ёмонликлар сабабчиси бўлган нар-котик эканлиги тасдиқланган.

Ўзбекистон Республикаси Жи-ноят кодексининг 25-моддасига кўра, шахснинг қасдан қилинади-ган жиноятни содир этиш ёки яши-риш учун шарт-шароит яратувчи қилмиши бошланиб, шахсга боғлиқ бўлмаган ҳолатларга кўра охирига етказилмаган бўлса, жиноят содир этишга суиқасд этиш деб топилади. Мазкур кодекснинг 273-моддасида “Гиёҳвандлик воситалари, уларнинг аналоглари ёки психотроп модда-ларни ўтказиш мақсадини кўзлаб қонунга хилоф равишда тайёрлаш, олиш, сақлаш ва бошқа ҳаракатлар қилиш, шунингдек уларни қонунга хилоф равишда ўтказиш” учун жи-ноий жавобгарлик белгиланган.

Суд томонидан мазкур қонун та-лаблари асосан айбли деб топилган Исроил Юнусовга унинг айбига иқдорлиги, пушаймонлиги, айбини энгиллаштирувчи ва оғирлашти-рувчи барча ҳуқуқий жиҳатлар ино-батга олиниб, озодликдан маҳрум қилиш жазоси тайинланди.

Бир қарашда Исроил ҳам таъ-лимда нуқсонли бўлмаган ҳолда улғайган эди. Аммо нима учун охир-оқибат жиноятчи бўлиб суд курсисига ўтирди?!

Балки, ота-онаси фарзанд тарби-ясидаги масъулиятини унутиб қўй-гандир?... “Боламга керакли хам-ма нарсани таъминлаб беряпман” деган таскин билан фарзандининг ижтимоий тармоқлардаги “онлайн олами”ни назорат қила олмаган-дир?... Балки, бунга ажратадиган вақти етмагандир...!? Саволлар кўп ҳар кимнинг ўз ҳақиқати бўлгани каби бу саволларга ҳам жавоб кўп. Хулоса эса ўзингиздан.

**Ақром АРИПОВ,**  
Олий суд бош консультанти

# “УНИНГ ИШИ ОДАМ ҚЎЛИДАН КЕЛМАС...”

Ўғлим бу йил биринчи синфни тамомлади. Болаларга хос шўхлиги бор. Кўпгина фан дафтарларига ўзи ёқтирган автомашинанинг суратини чизиб қўяди. “Ўғлим, ҳамма дафтарга расм чизиб бўлмайди, расм чизиш учун альбом олиб берганман-ку”, деб дакки бергандек бўламан. Аммо унга қараб кўпинча ўзимнинг биринчи синфимни эслайман. Бошланғич ўқитувчимиз Бурхонжон Шукуров кўз олдимга келади. Юзи ҳаммиша кулиб турадиган, ҳар бир ўқувчига “сиз” деб гапирадиган, кимнинг ручкаси ёки қалами йўқ бўлса, ўзиникини берадиган ва “энг асосийси” бунинг учун ҳеч кимни ҳеч қачон койимайдиган инсон...

Расм чизиш болалигимдан энг сеvimли машғулоти бўлган. Дафтарларимнинг хошияси чизган расмларим билан тўлиб кетарди. Ҳар сафар янги дафтар бераётган устозим “Қизим, ҳуснихатингиз жуда чиройли, ўқишларингиз ҳам яхши, дафтарни ҳам чиройли тутинг”, дердилар. Аввал мактаб туриб, кейин озгина “тузатиш” тарзида берган танбехларидан уялиб оёғим билан ер чиза бошлардим. Ўқитувчимиздан танбех эшитиш отамиздан танбех эшитишдек оғир эди. Синфимизда дарсларни кимдир тезроқ, кимдир секинроқ ўзлаштирарди. Аммо устозим ҳеч қачон “Фалонча иккичи” деган гапни айтганини эслолмайман. Кимдир уйга берилган топшириқларни бажармаган бўлса, “Майли, уйда бир муаммо бўлгандир, эртага, албатта бажаради”, дерди жилмайиб. Ўша синфдошимиз кейинги кун уй ишини қилиб келарди. Айниқса, шеър ёдлаган кунимиз танаффус учун кўнғироқ чалиниб қолса ҳам, тушликка кечикиб чиқса ҳам, ёдлаган шеърларимизни тинглар, “беш” баҳога қўшимча сумкасидан қоғозли қанд олиб берарди. Ана шу қанддан кўра яхшироқ совға бўлмасди

биз учун. Синфдош йигит-қизлар дардан сўнг устознинг велосипедини то уйигача суриб борардик. Велосипед рулига сумкаларимизни осиб олган устоз йўл-йўлакай бирон-бир ҳикоя айтиб берарди. Уйига бирон бир юмуш билан борсак, тандирда ёпилган иссиқ нондан бир бўлак бериб, йўлнинг чети билан кетишимизни тайинларди. Ота-оналар мажлисида ҳар бир бола ҳақида эринмасдан ота-онасига гапирар, агар ноҳўя одатлари бўлса, буни алоҳида гаплашишини таъкидлаб қўярди.

Ўқитувчи сифатида ҳар кун ўқувчисининг биттагина ҳарфни ўрганганидан завқланадиган, битта уй вазифасини бажариб келганини юқори баҳолай оладиган, мактаб ичкарасида ҳам, кўча-кўйда ҳам, маҳаллада ҳам ўқувчиларини яхши кўра оладиган устозимнинг хотираси ҳам менга ханузгача маънавий озуқа беради десам, хато бўлмайди. Кичкиналар одобли бўлса, яхши ўқиса, ота-оналарига кўмакчи дастёр бўлса, уларни ҳамма жойда ҳамма яхши кўришини англаб етганим учун ҳам мактабни аъло баҳоларга тамомладим, яхши бир касб эгаси бўлишни мақсад қилиб, мақ-

садим сари олға қадам ташладим. Она-Ватанимга муҳаббатим, жамиятда ўз ўрнимни топишга интилишим ота-онам ва фидойи устозларим меҳнатлари эвази эканлигини хис этдим.

Ҳазрат Алишер Навоийнинг ўқитувчининг маънавий қиёфаси ҳақидаги қуйидаги сатрларни ўқиганимда илк ўқувчилик хотираларим уйғонади: “Унинг иши одам қўлидан келмас, одам эмас, балки дев ҳам қила билмас. Бир кучли киши бир ёш болани сақлашга ожизлик қиларди, у эса бир тўда болага илм-адаб ўргатади, кўрким, бунга нима етсин. Шуниси ҳам борки, у тўдада фаҳм-фаросати, озлар бўлади, ундай кишига юзларча машаққат келса, қандай бўлади. Ҳар қандай бўлса ҳам, ёш болаларга унинг ҳақи кўпдир. Агар шогирд подшоҳликка эришса ҳам, унга (муаллимга) куллуқ қилса арзийди”, дея педагогларнинг фидокорлигини юқори баҳолайди. Ўзбек мактаби асосчиси Абдулла Авлоний болаларнинг соғлом бўлиб вояга етишида ота-оналарнинг меҳнатларини таъкидласа, уларнинг фикри кўркам тараққий этишида педагогларнинг машаққатларига урғу бе-

раркан, педагогликни “Диққатларига суялган, вижонларига юкланган муқаддас бир вазифа”, деб атайди ҳамда “Фикрининг қуввати, зийнати, кенглиги муаллимнинг тарбиясига боғлиқдур”, дея уларнинг касбларига юксак ишонч билдиради.

Дарҳақиқат, Бурхонжон Шукуров Пахтаобод туманидаги 5-умумтаълим мактабида узоқ йиллар фидокорона ишлаб, юзлаб, минглаб инсонларнинг қалбига эзгуликни, одамлиликни сингдирди. Инсон қадрини улуғлаш, деганда жамиятда нафақат ўқитувчи ва педагоглар, балки касби ва ҳунаридан қатъи назар, озми-кўпми замондошлари, келгуси авлодларга илм-маърифати, гўзал маънавияти билан, инсоний фазилатлари билан ибрат бўла олган инсонларга таъзим қилишимиз лозимлигини тушунаман. Инсон хотираси азиз, деганда, ана шундай ҳазрати инсонларни хотирлашимиз, уларнинг ёрқин хотираларидан маънавий озуқа олишимиз ҳам фарз, ҳам қарз деб биламан.

**Зиёда АКБАРҚУЛОВА,**  
Республика Маънавият ва  
маърифат маркази етакчи  
мутахассиси

## ДИЛБАР ОҲАНГЛАРГА ОШУФТА ЮРАК

Ҳозирги кунда ҳаётимизни мусиқа ва санъатсиз тасаввур этиш қийин. Чунки мусиқа инсон қалбининг нозик тебранишларини жунбишга келтирадиган, кўнғилга завқ ва кўтаринки кайфият улаша оладиган сеҳру синоатга тўла кучдир. Фақат уни тинглаш, юрак – юракдан хис эта билиш керак. Тошкент вилоятида ўзига хос нуфузга эга бўлган Бекобод ихтисослаштирилган санъат мактабининг йил якунларига бағишланган ҳисобот концертини кузатиб кўнғилдан ана шундай кечинмалар ўтди.

Шуни таъкидлаш лозимки, ихтисослаштирилган санъат мактабида вилоятнинг ва республикамизнинг турли ҳудудларидан жалб этилган 252 нафар иқтидорли ўқувчилар 14 йўналиш бўйича таҳсил олишади. Албатта, ана шундай иқтидорли, мусиқа ва санъатга меҳри баланд ёшларни тарбиялаб камолга етказишда мактабнинг 146 нафар устозлари қалб кўри ва бор маҳоратлари ила тинимсиз изланишлар олиб бораётганлиги эътиборга моликдир. Мамлакат Юсупова, Хонжон Турдубоев, Мавлуда Эралиева, Моҳигул Юсупова, Азиз Мамараҳимов, Фурқат Ҳамрабоев сингари тажрибали ва маҳоратли устозлар сабоғидан ҳаммиша баҳраманд бўлиб келаётган иқтидорли ёшлар шахар, вилоят, ва республикамиз миқёсида ўтказиб келинаётган турли хил танловларда юқори ўринларни қўлга киритишяпти. Қолаверса, жамоа аъзолари турли тадбирлар, байрам ва гала концертларнинг доимий фаол иштирокчиси саналади.

Ўзбекистон Республикаси Президентининг 2022 йил 2 февралдаги 112-қарори ижросини таъминлаш бўйича санъат мактаби жамоаси вилоятимиз бўйича Болалар мусиқа ва санъат мактабларидаги, маҳаллалардаги ва ўрта умумтаълим мактабларидаги иқтидорли болаларни танлаб олиш,

мусиқа ва санъатга қизиқишларини ошириш мақсадида кенг миқёсда тарғибот ва ташвиқот ишларини олиб боришди ва давом эттиришяпти.

Албатта, эришилган ютуқлар замирида устозлар меҳнати, тинимсиз изланишлар, соҳага профессионал ёндашув ётади. Зеро, ўз соҳасининг усталарига айланиб қолган мактаб ўқитувчилари иқтидорли ёшлар билан ишлашда катта билим ва тажрибага эга эканлиги шундоқ билиниб туради. Йил давомида шаклланган, қайта – қайта сайқал берилган куй ва кўшиқлар эса беихтиёр концерт жозибасини ошириб юборади. Ёш ва умидли дирижёр Азиз Мамараҳимов етакчилигида мактабнинг халқ чолғулари оркестри томонидан ижро этилган бетакрор куйлар, Мавлуда Эралиева раҳбарлигидаги ракс ансамблининг жозибали чиқишлари, хор ва мақомчилар ансамблларининг дилтортар кўшиқлари ҳеч кимни бефарқ қолдирмади. Айниқса, Фурқат Ҳамрабоев раҳбарлигидаги дуторчи қизларнинг турфа хил ижролари томошабинларда катта завқ уйғотди.

Бир сўз билан айтганда, мактабда халқ чолғу асбоблари билан ишлашга, ёшларнинг миллий чолғу асбобларига нисбатан меҳр ва иштиёқ билан муносабатда бўлишларига алоҳида эътибор қаратилади. Концерт давомида ижро этилган куйлар, чолғу асбоблари-



Санъат

нинг ўзаро уйғунлиги, жўровозликни таъминлашдаги устозлар маҳорати ана шундан далолатдир.

— Ҳақиқатдан ҳам, ўқув даргоҳимизда мусиқа соҳасида катта билим ва тажрибага эга бўлган етук мутахассисларнинг меҳнат қилаётганлиги жамоамиз нуфузини ошириб келмоқда, - дейди биз билан суҳбатда мактаб директори Ҳусниддин Шодматов. — Биз айни чоғда тўпланган тажрибаларга таянган ҳолда мусиқа ва санъатнинг ўзига хос нозик қирраларини ёш иқтидор эгаларига тўлақонли сингдиришга ҳаракат қиляпмиз. Бугунги концертдан кўнғил тўлди, жуда мамнунман.

Дарвоқе, мактаб жамоасининг янги таъминлаш олиб бораётганлиги унинг истикболидан далолат бериб турибди. Концертдан сўнг сўзга чиққан мутахассислар, ота-оналар, маҳалла вакиллари ўзларининг илиқ фикрларини билдиришди. “Санъат саодатимдир” деган улуғ ақидани қалбига жо айлаб иқтидор эгаларини нафосат ва гўзаллик оламининг бетакрор жозибасига ошно этаётган мактаб жамоасидан янги ижодий ютуқлар кутиб қоламиз.

**Ашуралӣ БОЙМУРОД**

# ГЕНДЕР ТЕНГЛИК — кечиктириб бўлмаёс масала



Таъкидлаш жоизки, мамлакатимиз тарихида илк маротаба миллий парламентда хотин-қизлар сони БМТ томонидан белгиланган тавсияларга мос даражага етди. Соҳага оид 25 та қонун ҳужжатлари қабул қилинди. Олий Мажлис Сенати таркибида Хотин-қизлар ва гендер тенглик масалалари қўмитаси, Маҳалла ва оилани қўллаб-қувватлаш вазирлиги, Республика хотин-қизлар жамоатчилиги кенгаши каби янги тузилмаларнинг ташкил этилиши Ўзбекистонда аёллар ҳуқуқи, гендер тенгликни таъминлашнинг ягона яхлит механизмига айланди.

Мамлакатимиз парламенти хотин-қизлар сони бўйича дунёдаги 190 та миллий парламент ўртасида 37-ўринга кўтарилди. Давлатимизда аёлларнинг ҳуқуқлари ва гендер тенглигини таъминлаш борасида олиб борилаётган ислохотларнинг давоми сифатида жорий йилда бўлиб ўтган Сенатнинг XV ялпи мажлисида қабул қилинган “Ўзбекистонда 2030 йилга қадар гендер тенгликка эришиш стратегияси” ни кўришимиз мумкин.

Ушбу ҳужжат Ўзбекистон Республикаси Конституцияси, “Хотин-қизлар ва эркеклар учун тенг ҳуқуқ ҳамда имкониятлар кафолатлари тўғрисида” ги Қонуни, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган мамлакатни ривожлантиришнинг устувор вазифалари ҳамда 2030 йилгача бўлган даврда барқарор ривожланиш соҳасидаги миллий мақсадлар ва бошқа қонун ҳужжатларига мувофиқ ишлаб чиқилган. Шунингдек, мазкур Стратегия Пекин Декларацияси, Хотин-қизлар ҳуқуқлари камситилишининг барча шаклларида барҳам бериш тўғрисидаги Конвенция ҳамда БМТнинг Барқарор ривожланиш мақсадларини бажаришга қўмаклашади.

Гендер тенгликка эришиш стратегияси асосан хотин-қизлар ва эркеклар

учун тенг ҳуқуқ ҳамда имкониятларни таъминлашнинг қатор устувор йўналишларида амалга оширилади.

Шуни алоҳида қайд этиш жоизки, мазкур ҳужжатда сайлов ҳуқуқларини амалга оширишда хотин-қизлар ва эркеклар учун тенг ҳуқуқ ҳамда имкониятларни яратиш устувор йўналишлардан бири сифатида қайд этилган. Хусусан, Стратегиянинг “Гендер стратегиясини амалга оширишнинг устувор йўналишлари” номли 4-боби “Сайлов ҳуқуқларини амалга оширишда хотин-қизлар ва эркеклар учун тенг ҳуқуқ ҳамда имкониятларни таъминлаш” деб номланган.

Хўш, стратегияда бу мақсадларга эришишда қандай зарур чора-тадбирлар кўзда тутилмоқда?

Биринчидан, сиёсий партияларнинг сайлов жараёнларига хотин-қизларни ва эркекларни тенг асосда жалб қилиш, хотин-қизларни тайинладиган раҳбарлик лавозимларига тавсия қилишга оид фаолиятини рағбатлантириш;

Иккинчидан, сиёсий партиялар томонидан Ўзбекистон Республикаси Олий Мажлиси Қонунчилик палатаси, Қорақалпоғистон Республикаси Жўрорғи Кенгеси, халқ депутатлари маҳаллий Кенгашиларига сайловларда номзод кўрсатишда хотин-қизлар ва эркеклар учун тенг ҳуқуқ ҳамда им-

кониятлар яратилганлигини мониторинг қилиш;

Учинчидан, хотин-қизларнинг сиёсий фаоллигини ошириш орқали уларга нисбатан жамиятда шаклланган салбий қарашларни ўзгартириш;

Тўртинчидан, хотин-қизлар ва эркекларнинг давлат ҳокимияти вакиллик органларига сайлаш ва сайланиш ҳуқуқларига тўлиқ риоя этилишини таҳлил қилиб бориш;

Бешинчидан, Ўзбекистон Республикаси Марказий сайлов комиссиясининг, сайлов ҳамда референдумлар ўтказиш бўйича вилоят, туман, шаҳар, округ, участка сайлов комиссияларининг таркибини шакллантиришда хотин-қизлар ва эркек вакилларининг тенглигини таъминлашдан иборат.

Юқоридаги тадбирлардан келиб чиққан ҳолда, Марказий сайлов комиссияси томонидан сайловнинг барча босқичларида хотин-қизлар ва эркекларнинг тенг асосда иштирок этишини кузатувчи 11 та Индикаторлар ишлаб чиқилди ва бу йилги Ўзбекистон Республикаси Президенти сайлови кампаниясидан бошлаб амалиётга татбиқ қилинмоқда.

Ўзбекистонда 2030 йилга қадар гендер тенгликка эришиш стратегияси бўйича қарорлар қабул қилиш ва ижро этишнинг барча соҳа ва бўғинларида хотин-қизлар ва эркеклар ўртасида тенглик тамойилини татбиқ этишга кенг қамровли ёндашувни назарда тутди.

**Дилноза НУРМАТОВА,**  
**Давлат бошқарув академияси**  
**келажак лидерлари**  
**2 мавсум тингловчиси**

ЖАМИЯТ

BONG.UZ

## Муассислар:

Ўзбекистон  
Республикаси  
Экология ва  
атроф-муҳитни  
муҳофаза қилиш  
давлат қўмитаси.

Тадбиркорлар ва  
ишбилармонлар  
ҳаракати —  
Ўзбекистон  
Либерал-демократик  
партияси.

Ўзбекистон  
Нодавлат нотижорат  
ташкilotлари миллий  
ассоциацияси.

Ўзбекистон  
Савдо-саноат  
палатаси.

**Бош муҳаррир**  
**Мақсуд ЖОНИХОНОВ**

Газета таҳририятнинг  
компьютер бўлимида  
саҳифаланди.  
“Шарк” нашриёт-матбаа  
акциядорлик компанияси  
босмахонасида чоп этилди.

Манзил:  
Буюк Турон кўчаси 41.  
Буюртма рақами Г-608  
Адади: 1507.  
Пайшанба куни чиқади.  
Қоғоз бичими А-3,  
ҳажми 2 босма табоқ.  
Баҳоси келишилган нарҳда.  
Газета Ўзбекистон  
матбуот ва ахборот  
агентлигида  
2006 йил 0010-рақам билан  
рўйхатга олинган.

ISSN 2010-7722

**Навбатчи:**  
**Муроджон РАҲМАТОВ**

Газетанинг полиграфик жихатдан  
сифатли чоп этилишига “Шарк”  
нашриёт-матбаа акциядорлик  
компанияси масъул.

100000, Тошкент шаҳри  
Матбуотчилар кўчаси 32.  
Маълумот учун телефонлар:  
(71) 233-72-77,  
233-91-55

Реклама ва эълонлар учун:  
Электрон почта:  
jamiyat@mail.uz  
Газета индекси — 131  
“ЖАМИЯТ” дан олинган  
маълумотларда манба  
сифатида газета номи  
кўрсатилиши шарт.  
Топширилган вақти:  
20:00

1 2 3 4 5 6

## Жиноят ва жазо

# ҚИНҒИР ИШНИНГ ҚИЙИҒИ

**Атрофимизда шундай инсонлар борки, улар нафақат жамиятга, балки маҳалладошларига-да зиён етказяпти. Бундайлар сафи озчилик бўлса-да, кўнглимизни хира қилиши тайин.**

Қуйичирчиқ туманида яшовчи Низомиддинов Баҳодир (исмлар нисбий) 31 ёшда. Бирор ишнинг бошини тутмаган, бекорчи, дангасалиги эса уни жиноятга етаклади. Баҳодир 2014 йилда жиноят содир этиб, 3 йил муддатга ахлоқ тузатиш ишлари жазосига ҳукм қилинган эди. Афсуски, у бундан тегишли хулоса чиқара олмади.

2016 йилда Оққўрғон ва жорий йилнинг ўзида яна Қуйичирчиқ туман судининг қора курсисига ўтирди.

Виждонли, иймонли инсон хато ортидан жиноятга билиб-билмай қўл урса, иккинчи бор жиноятга яқин йўламаслиги аниқ. Афсуски, Баҳодир бундай йўл тутмади.

Шу боис, у Нурафшон шаҳридан ўзига ўхшаш таниш топиб, яна жиноятга қўл урди. Баҳодир Низомиддинов таниши Фарход Наров билан тил бириктириб, 2022 йилнинг 20 январь куни соат тахминан 21:30 ларда Янгийўл шаҳар Мустақиллик маҳалла фуқаролар йиғинининг “Янги

ҳаёт” кўчаси 51 уй, 2-хонадонда яшовчи Муаззам Устабабаеванинг хонадонига ғайриқонуний равишда кириб, телевизор, тилла, чамодон, кўрпа ва шу каби 22 миллион 800 минг сўмлик буюмларни ўғирлаган. Улар жиноятларининг тезда фош бўлишини сира кутмаганди. Бирок орадан 5 кун ўтиб, талончиликдан иборат жиноятлари Янгийўл шаҳар ички ишлар бўлими томонидан фош этилди ва 6 йил муддатга озодликдан маҳрум этиш юзасидан ҳукм ўқилди.

**Нозим ИСТАМОВ,**  
**Янгийўл шаҳар ИИБ хузуридаги**  
**бўлимаси катта терговчиси,**  
**катта лейтенант**

## ШУЛ КЕРАКМИ, ГУЛ ЭКИНГ!



Қадимги обидаларнинг гувоҳлик беришича, бу ўсимликлардан одамлар 5,5-6 минг, гулсафсар ва хризантемадан 4 минг йил аввал фойдалана бошлаган. Крит оролида изланишлар олиб борган олимлар 3500 йил илгари тасвирланган атиргул тимсолини топишган. Кўхна Юнонистонда атиргул гўзаллик маъбуди — Афродитага бағишланган, унинг эхроми атрофини атиргуллардан иборат боғлар ўраб турган. Римликларда атиргул жасорат тимсоли ҳисобланган. Атиргулдан тайёрланган гулчамбарлар ғолибларнинг бошларига кийдирилган, — дейди суҳбатдошимиз Элёржон Жалолов.

Мана шундай тарихга эга бўлган ифори ва гўзаллиги билан барчани мафтун этувчи атиргуллар Элёржон Жалолов томонидан ташкил этилган Қува туманидаги 281 гектар ер майдонига эга бешта “Гуллар олами”, “Ашуров Мўминжон”, “Гулжаҳон водий кўчатлари”, “Водий турфа гуллари” МЧЖ ва “Гуллар водийси” оилавий корхонасини ўзида бирлаштирган гулчилик кластерида парваришланмоқда.

— Ҳозирда 168 гектар ерга атиргул уруғи, 81 гектарга ниҳоли, 32 гектарга кўчати экилди. Бу майдонлар биз юқорида санаган бешта атиргулчилик кооперацияларига бириктирилди, — дейди Э. Жалолов. Унинг айтишича, атиргулчилик сердаромад соҳа. Масалан, бир гектар майдонда 50 центнер ҳосилдорлик билан 5 тонна пахта хом ашёси етиштирилса, тахминан 35-40 миллион сўм даромад олинади. Бир гектар ер майдонида 150-160 минг дона атиргул кўчатлари етиштирилганда эса 750-800 миллион сўм даромад олиш мумкин.

Тадбиркор атиргул кўчатини кўпайтириб, уни сотиш билан 1996 йилдан шуғуллана бошлаган. 1997 йилда эса илк марта атиргул кўчатларини экспорт қилган. 2021 йилда 2 миллион доллар-

лик экспортни амалга оширган бўлса, 2022 йилда бу кўрсаткични 3,5-4 миллион долларга етказиш ниятида. Гулга бўлган талаб шу тариқа ошиб бораверса, 2023 йилга келиб 8 миллион долларлик атиргул кўчатлари сотиш мумкин, деб ҳисобламоқда кўчатчилар.

— Ўзбекистонда гулчилик, аниқроғи гул кўчати билан шуғулланиш нисбатан янги соҳа ҳисобланади. Аҳоли яқин-яқингача ҳам сердаромад соҳа пахта ва ғалла деб ўйлаган. Ваҳоланки, дунёнинг энг ривожланган давлатларининг иқтисодий ривожланишида гулчилик катта ўрин тутди, — дейди Элёржон.

Кўпчилик тушунмайдиган ёки адаштириб юборадиган яна бир жиҳат бор экан. Яъни гулчилик билан шуғулланиш бу алоҳида соҳа. Сиз гулдаста сотиб олсангиз, буни етиштирувчиларга ҳам кўчатларни етиштириб берувчилар бўлар экан. Масалан, Элёржон Жалолов айнан атиргулчиликнинг кўчатчилик йўналишида фаолият кўрсатади. У атиргул уруғларини экади, униб чиққан ниҳолларни турли навларга пайвандлайди ва турли янги навлар яратади. Унинг асосий харидорлари Россия, Польша, Қозоғистон, Туркменистон, Германия ҳисобланади.

— Масалан, биздан атиргул кўчатини

сотиб олган харидорлар, уни яна иссиқхонага экади ва ўша ерда сизу биз сотиб оладиган атиргулларни етиштиради. Ана шу экспортёрларимиз бозорларга гулдаста чиқариш билан шуғулланади. Бизнинг туманда эса маҳаллий гул бозорига гулдаста учун атиргул етиштирувчи гулчилар санокли ҳисобланади. Чунки биз етиштираётган мини атиргуллар, бир тупида етти хил рангда очилувчи атиргул кўчатларига четда талаб юқори. Шунинг учун, бизнинг кўчатларимиз фақат экспортга тайёрланади, — дея тушунтиради Элёржон.

Суҳбатдошимиз олий маълумотли мутахассис. У Тошкент аграр университетининг доривор ўсимликларни етиштириш ва қайта тайёрлаш технологияси йўналишида таҳсил олган. Шунингдек, ўзи ҳам уста миришкор гулчилар оиласида ўсиб-улғайган.

— Гулларни, манзарали ўсимликларни, бир сўз билан айтганда, гўзалликни яхши кўраман. Ҳар бир ҳовлида, кўчаларимизда, шаҳарларимизда гуллар гўзаллик тимсоли бўлиб, атрофни кўркем қилиб туришини жуда-жуда истайман. Айниқса, Голландия, Италия, Туркия давлатларига борганимда кўчаларда, хиёбонларда очилиб турган гулларни кўрганимда, қанийди юртимизнинг ҳар

бир гўшасида ҳам шундай гўзалликлар ярата олсам деб кўп ўйлардим. Қайси давлатга борсам ҳам албатта ўша ердаги ноёб гулларнинг уруғларидан, кўчатларидан олиб келаман. Баъзан ноқулай бўлса ҳам айтаман, кўчаларида очилиб турган гулларнинг уруғларидан олиб чўнтагимга соволаман. Бир дона ноёб гул уруғини олиб келсам ҳам, ана ўшани кейинчалик кўпайтириб, турли навлар билан чатиштириб, ўзига хос бирор нав яратаман, — дейди Элёржон.

У раҳбарлик қилаётган “Гуллар олами” МЧЖ ҳудудидаги 12 гектар ер майдонига бу йил фақат 400 хилдан ортиқ мини атиргуллар экилди. Бу кўчатларнинг ҳам харидори тайёр.

Миришкор гулчи 12 гектарлик майдоннинг бурчагига катта йўл ёқасига чиройли шийпон куриб қўйган. Ва шийпон атрофини ҳам турфа гуллар билан безатган. Бунинг сабабини сўраганимизда у “Ҳар бир киши гўзалликдан завқ олиши керак. Кейинчалик бу ерда туризми ҳам ривожлантириш ниятида. Келган сайёҳлар бепоён далада ўсаётган турфа атиргулларни кўриб, уларнинг чиройидан завқланиб, мана шу шийпончада хордик чиқариб, бир пиёла чой ичиб кетишини хоҳлайман” деган жавобни берди. Шийпончада келган меҳмонларга сув, шарбатлар, иссиқ кўк ва қора чой ҳам таклиф қилинар экан.

Гул бу гўзаллик. Атиргулни севмайдиган, унинг чиройию ифоридан кўнгли сурурга тўлмайди одам бўлмаса керак.

Яқин йилларда қуваликлар учун атиргул нафақат кўз қувонтирадиган, балки хонадонга барака ва фаровонлик олиб кирадиган ўсимлик бўлиб қолади.

Шарифа МАДРАХИМОВА,  
журналист.

## ЁШ ЖУРНАЛИСТЛАР “УНИВЕРСИТЕТИ”

Мулоҳаза

## ёхуд “Матбуот уйи” да англаганларим

Яқинда олий таълим муассасалари рейтингини эълон қилинди. Ушбу рўйхатдан Ўзбекистондаги баъзи олий ўқув юртлари ҳам жой эгаллаган. Хўп, “Топ-1000” даги университет ва институтлар Ўзбекистон шаънини жаҳон миқёсида кўтариб турибди. Кучлилар сафига кира олмаган университетлар эса “ўзларидан ўпкаласин”. Яъни устозлар ҳар бир баҳоси учун пул олаверса, уч баҳосини беш қиладиган “аълочилар” нинг ошиғи олчи бўлаверса, меҳнат ила тўрт баҳо олаётганлар қадр топмаса, “Топ-1000” қандай киради?!

Бундан 4-5 йил илгари олий таълим муассасаларида коррупциянинг “урчигани” ҳеч кимга сир эмас эди. Яқин йилларда коррупцияни йўқотиш борасида олиб борилган саъй-ҳаракатларнинг натижасига қарамадан коррупциянинг турли кўринишлари баъзи олий ўқув юртларида ҳали ҳаман талабаларнинг чўнтагини “шилмоқда”. Тўғрироғи, коррупция “олди-берди” сида айланаётган “қадрсиз” буюмлар учун талаба ота-онаси неча ойлардир даладан бери келмаса ёки муҳожирликда оиласини соғиниб юрган бўлса, ҳеч гапмас. Бу жараёнлар сизу бизга оддий ҳолатдек туйилиши мумкин. Аммо бу тўғридан тўғри келажакка хиёнат бўлади.

Яқинда ОТМ ларда якуний имтиҳонлар бошланди. Аччиқ бўлса ҳам айтаман, баъзи бир устозлар ҳам ўз “бизнес”ини йўлга қўйди.

— Бир устозимиз жорий баҳоларимизни кўйиб бериш учун 60 минг сўмдан сўради, — деди номини сир туттишимни сўраган талаба. — Жорий баҳолари бўлмаган талаба эса якуний имтиҳон топширолмаган экан.

Бу бизга маълум бўлган биргина ҳолат. Ушбу ҳолатга учраётган юзлаб ҳаттоки, минглаб талабаларнинг вазияти ўзларига ва уларнинг ота-оналаригагина маълум. Аммо журналистика факультети талабалари ўртасида “олди-берди” ва “баҳони пуллаш” жараёнларининг кузатилаётгани бизни қайсидир маънода хурсанд қилади.

Инчунин, илм захматини чекиб йиққан обрўсини атиги 60 минг учун талаба олдида тўқаётган баъзи устозларни ҳеч

қайси йўл билан оқлаб бўлмайди. Эътибордан четда қолдирмаслик керак бўлган яна бир жиҳат, бундай ҳолатларнинг кўпайишига талабаларнинг том маънодаги ялқовлиги ҳам сабаб бўлаётир. Мисол учун, уларнинг дарсга бефарқлиги, вазибаларни ўз вақтида бажармаслиги ҳамда устозларга бўлган беҳурматлиги. Боболаримиз айтганидек, қарс икки қўлдан чиқади. Яқинда давлатимиз раҳбари томонидан барча тоифадаги ўқитувчиларнинг олийк маоши 12 фоизга оширилди. Бироқ олийк маошларни ошириш орқали коррупцияга барҳам беришнинг иложи йўқлигини юқоридаги ҳолат бевосита тасдиқлаб турибди.

Шу ўринда, яна бир масалага эътиборингизни қаратмоқчиман. Яъни журналистика факультети талабаларининг амалиёт ва мақола чиқариш масаласи. Журналистикага энди кириб келдим. Ўқишга киришимдан олдин журналистика соҳасидан йироқ эдим. Олий таълим муассасаларида журналистиканинг барча соҳасини ипидан игнасиғача ўрганаман деб ўйлардим. Бироқ мен орзу қилган касб — журналистика соҳасини ўқитиш тизими жуда кўп назарий фанлардан ташкил топган экан. Тушуниб етдимки, етук журналист бўлиш истагидагилар асосий кўникма ва тажрибани амалиётдан оларкан. Буни университет томонидан амалиётга чиқарилиб, бир ой давомида бешта мақола чиқариш топшириғи берилгандан сўнг “Матбуотчилар-32” кўчасидаги Матбуот уйи номли ҳақиқий журналистларни тарбияладиган маҳорат мактабига келиб тушуниб етдим. Амали-

ётимизни маълум бир сумма эвазига ҳал қиладиган “ишбилармон” лар ҳам топилди. Лекин биз бу йўлни ўзимиз учун лойиқ кўрмадик. Қандай қилиб, юқоридаги каби ҳолатларни кўра билиб-туриб, бундай ишга қўл урушимиз мумкин. Сўзимиз аввалида коррупциянинг аянчли оқибатларига тўхаталишдан муддаомиз шу эди, аслида.

Билдимки, талаба назарий фанлар билан чекланиб қолиши унинг ўзи хоҳлаган журналист бўлишига етарли эмас экан. Мақола чиқариш, ўқитувчи талабини бажариш ҳамда якуний имтиҳонларидан йиқилмаслик илмингиде тахририятлар эшигини бирма-бир қоқа бошлаганимизда мақсадимиз бошқача эди. Лекин тахририятлардаги иш жараёни, мақоланинг ёзилишидан тортиб газета саҳифаларига чоп этилгунга қадар бўлган жараён биз учун журналистиканинг ҳақиқий буй-бастини намоён этди. Хулоса қилдимки, бизнинг иккинчи университетимиз “Матбуотчилар уйи” экан. Айтганча, тизимдаги коррупцияни тугатмасдан, талаба ва ўқитувчилар ўртасидаги мувозанатни йўлга қўймасдан ҳамда талабанинг назарий билимлари билан амалий кўникмасини бирдек шакллантирмасдан туриб, “Топ-1000” рўйхатига киришни орзу қилмасак ҳам бўлади.

Севара САВРИЕВА,  
“Жамият” маҳорат мактаби  
тингловчиси